

黎城縣續志

目錄

卷一

序

纂修姓氏

圖

表

地理志

疆域

城池

兵防附

山川

村落附

古蹟

墳墓附

政事志

戶口

田賦

鹽法附

職官

公署

學校

祠祀

寺觀

紀事

卷二

人物志

選舉

進士

舉人

貢生

薦辟

武科

仕宦

封贈

名宦

名賢

孝義

義行附

文苑

材能

流寓

方技

仙釋

列女

卷三

藝文志

詩

賦

傳

碑記

墓誌

卷四

補遺

沿革
寺觀

山川
紀事

古蹟
名賢

物產
流寓

鄉宦
列女

祠祀
藝文

糾誤

沿革
紀事

城池
名賢

山川
忠節

古蹟
流寓

附錄

書目
碑目

據文廟碑記補載

列女

孝元馮昭儀平帝祖母也元帝即位二年以選入後宮時父奉世爲執金吾昭儀始爲長使數月至美人後五年就館生男拜爲婕妤時父奉世爲右將軍光祿勳奉世長男野王爲左馮翊父子並居朝廷議者以爲器能當其位非用女寵故也而馮婕妤內寵與傅昭儀等建昭中上幸虎圈鬪獸後宮皆坐熊佚出園攀檻欲上殿左右貴人傅昭儀等皆驚走馮婕妤

直前當熊而立左右格殺熊上問人情驚懼何故前
當熊倖存對曰猛獸得人而止妾恐熊至御坐故以
身當之元帝嗟嘆以此倍敬重焉傳昭儀等皆慙明
年夏馮倖存男立爲信都王尊倖存爲昭儀元帝崩
爲信都太后與王俱居儲元宮河平中隨王之國後
徙中山是爲孝王後徵定陶王爲太子封中山王舅
參爲宜鄉侯參馮太后少弟也是歲孝王薨有一男
嗣爲王時未滿歲有胄病太后自養視數禱祠解哀
帝卽位遣中郎謁者張由將醫治中山小王由素有

狂易病病發怒去西歸長安尚書簿責擅去狀由恐
因誣言中山太后祝詛上及太后太后卽傳昭儀也
素常怨馮太后因是遣御史丁立案驗盡收御者官
吏及馮氏昆弟在國者百餘人分繫洛陽魏郡鉅鹿
數十日無所得更使中謁者令史立與丞相長史大
鴻臚丞雜治立受傳太后指幾得封侯治馮太后女
弟習及寡弟婦君之死者數十人巫劉吾服祝詛醫
徐遂成言習君之曰武帝時鑿修氏刺治武帝得二
千萬耳今愈上不得封侯不如殺上令中山王代可

得卦立等効奏祝詛謀反大逆責問馮太后無服辭
立曰熊之上殿何其勇今何怯也太后還謂左右此
廼中語前世事更何用知之是欲陷我效也廼飲藥
自殺

藝文志

曉發天井關寄李師晦

唐許渾

山在水滔滔流年欲二毛
湘潭歸夢遠燕趙客程勞
露曉紅蘭重雲晴碧樹高
逢秋止多感萬里別同袍

入壺口關

明陶澍

地絡盤三晉關門控兩河舊傳山國小新築塞垣多
侯吏無烽燧居人有薜蘿不圖天下脊今日馬蹄過

故縣寶泰寺造九級浮圖碑

內多闕文

尙書省使儀同三司潞州司馬東原都開國公

因檢郭建欽王神通等立義門事恭敬侍佛頌曰時

雨溟濛香煙芬馥天長地久春蘭秋菊大浮屠主

李賈

妻申屠那肱

自天地開闢之剗幽明難測陰陽剖判之後世代

可知莫不逞壯氣而重

高才而矜富貴爭

利害於石火競功名於風燭 知榮華與屈相遷

阜隸及王等趨金門貝闕詎壯幽冥繡轂龍媒

齊生死於是 治三界來往四輪以乾 爲可保

之城謂 宅爲有常之宅故天師出世聖教同流

灋門闔八萬四千 通九十六種示諸魔於苦

海壽羣生於福田皈依者得免樊籠迴向者便超

彼岸故襄垣郡守郭休世封陽曲建社太原上祖

從官遂家此邑門有詰人德水標仙舟之異世多

奇士并州樹竹馬之期器宇凝遠風裁道舉比意

氣於孤松類懷抱於叢桂談議而對天子聖隸重
席畫竒以示將軍決勝千里被稱肅代見重當時
本枝冠冕子孫繁盛以四虵催運二鼠侵奉歎華
首而代紅顏恨黃泉而沈白 故率合鄉人共船

浮圖九級鎮此潞州在縣之東南俯臨大道旁衝
鵠國 城秦將定燕卒之繩炎帝獲嘉禾之

地值周并齊運像瀍沉淪舊塔崩頽劣有 迹

大隋握圖受命出震君臨屏蹕塵而作輪王救濁
世而居天位大開立教 置伽藍太子買雜寶之

花波斯刻真檀之像刈陵縣政新鄉鄉義里郭伯
珠者然之從子早彰奇骨即號神童幼挺異才便
稱水鏡義治骨肉化及弟兄六世同居百有餘口
朝野貴其風範閭里慕其家法本圖曳尾寧許濯
纓咲敬付之言高少遊之願蠹書草聖相伴於青
松濁酒焦琴共對於明月豈望乘竹龍而履鳬舄
飲玉膏而餌玄霜將欲捨頭希不忤之身施肉請
無常之偈以闔皇五年歲次鵠尾與華川鄉人李
延壽及合縣羣英感

皇帝之恩追從之迹還於舊所重營九級浮圖爰何二
周其功始就露盤乘月寶鐸搖風背朝市而遊士
女庶使託爲譚際持作福田見者與見而消殃禮
者共禮而除障望似龍花寶塔寧隨子之城雀
離浮圖豈逐天衣之頌曰上元始判船化初闔
天傾地絕古往今來盛衰交謝生死相催壹五惑
難上三灾獨有喆人迴櫛奇質生輕義重調高才
逸恩合春風愛均冬日早驚却火燈燃閭室欲除
習鄩聊積善因庭羅寶刹塔寫金人時遭圯泰道

逐崩淪所悲神迹翻累風塵避世之士連城之壁
氣擁風雲性分金石長悲虛幻迴歸利益欲述荆
蹤還修故迹縣臨長路塔鎮平川風翻蓋影雲曳
香烟金剛永固妙法 傳未知東海幾作桑田
佛弟子劉世達供養

福勝寺碑記

間有殘缺

黎城縣即古黎侯國自漢已來屬上黨郡邑民淳厚
而奉佛潞州人多食牛肉惟此縣人不食牛死則埋
之予大定乙酉嘗宰是邑凡四年縣之山寺無不遊

歷者嵐山之北有泉飛流下溉民田曰源泉村村之
東有寺曰壽聖院清靜爽塏僧惠福主之惠福淳古
有德行人村民皆愛敬之予與邑士五六人時作信
宿之遊厥後予入臺閣方爲御史中丞時惠福來昊
天寺印大藏經後五年乞身還鄉 朝廷錄其勞除
沁南軍節度使實明昌元年也一年復告致仕許焉
越明年蒙 恩特起爲昭義軍節度使惠福特來相
訪因言重建福勝院經閣殿宇之由先師和尚俗姓
樊代州崞縣人宋大觀元年五臺山華嚴寺出家法

名善清後賜紫衣至潞州龍興寺依止無餘禪師法

席皇統二年 皇恩普度遂度到弟子德玉德喜惠

福三人三年南李保村郝智等請於本村建禪庵居

止鄰村之民敬禮歸之其受戒者無慮千人四年源

泉壽聖院僧崇進及村老卞寶等經僧正司請住持

本院天德二年六月示寂厥後德玉惠福修南李保

舊庵作壽聖下院大定三年 賜天下無 額寺院

遂得福勝院今特建殿廊經閣乞數字以紀之庶傳

永久予以舊識此僧忠實可愛而住下村民張穩等

皆舊治 民義不可辭因直書其事以識其歲月云

明昌癸丑秋八月通奉大夫昭義軍節度使兼潞州
管内觀察使提舉學校常平倉事上護軍隴西郡開
國侯食邑一千戶實封一百戶李宴記

承安四年歲次己未八月吉日住持福勝院修造化
緣僧惠福 路亨書男時泰篆額

明故平陸學博鳳池高公之墓誌

公諱孝思文登縣教諭高公諱進之三子也其子四

出仕廣文者三人其伯仲季皆倜儻不羈公沈靜醅

謹淹博百家少攻舉子業士籍知名試必高等年四十以明經觀國光萬厯四十六年出仕平陸縣廣文不偶於時遷教授不就隱居非讀書人不與

處客有曰子閉戶一室不亦寂乎答曰吾無日不與古聖賢相質何寂之有客默然而退生平謹以愛身廉以守已惟衣褊食藟而不恤門牆生徒日衆稱士林表表者多人壽八十而終生子四俱列黌序內外孫十九人

御等

生也晚猶得親其教敢言其畧云

外孫李御李吉謹識